



SAOPŠTENJE ZA JAVNOST

Potvrđena optužnica i produžen pritvor za D.G. zbog razbojništva

(Brčko, 02.07.2025. godine)

Tužilaštvo Brčko distrikta BiH podiglo je optužnicu protiv D.G. (39)* iz Brčkog zbog osnovane sumnje da je krajem mjeseca maja i početkom mjeseca juna 2025. godine u Brčkom izvršio dva krivična djela "Razbojništva". Osnovni sud Brčko distrikta BiH potvrdio je optužnicu, dana 26. juna 2025.godine, te cijeneći da još uvijek postoje opravdani pritvorski razlozi, na prijedlog Tužilaštva Brčko distrikta BiH, produžio je sada optuženom D.G. (39)* pritvor za još najduže dva mjeseca.

Podsjetimo, u večernjim satima dana 09. juna 2025.godine Policija Brčko distrikta BiH realizovala je operativnu akciju kodnog naziva "Kavez" poduzetu sa ciljem otkrivanja počinioca krivičnih djela "Razbojništva" koja su se dogodila u Brčko distriktu BiH prema specifičnom načinu izvršenja tako što je učinilac ovih krivičnih djela ulazio u otključane kuće kod lica starije životne dobi i od istih, uz prijetnju upotrebnom fizičke sile, oduzimao novac i nakit. Nakon kriminalističke obrade osumnjičeni je lišen slobode i predat u nadležnost postupanja Tužilaštvu Brčko distrikta BiH, te u daljem postupanju Osnovni sud Brčko distrikta BiH odredio mu je jednomjesečni pritvor zbog postojanja opštih i posebnih pritvorskih razloga.

Intenzivno provodeći istražne radnje, Tužilaštvo Brčko distrikta BiH je u vrlo kratkom roku od svega 14 dana okončalo istragu podizanjem optužnice protiv D.G. (39)* kojom ga tereti da je dana 24. maja 2025. i 06. juna 2025. godine u Brčkom izvršio dva krivična djela "Razbojništa" na štetu dva lica starije životne dobi. Imajući u vidu sve okolnosti pod kojima su učinjena ova teška krivična djela, Tužilaštvo je istovremeno sa podizanjem optužnice predložilo i produženje pritvora osumnjičenom, te Osnovni sud Brčko distrikta BiH je svojim Rješenjem od 27. juna 2025. godine utvrdio postojanje opravdanih pritvorskih razloga i produžio pritvor sada već optuženom D.G. za najviše dva mjeseca.

Nakon potvrđenja predmetne optužnice, postupajući Osnovni sud Brčko distrikta BiH nastaviti će krivični postupak u ovom predmetu održavanjem ročišta za izjašnjenje o krivici optuženog.

****Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA**

RADMILO IVANOVIĆ